

臺灣文獻匯刊

■ 陳支平 主編

第六輯

第六冊

◎◎ 九州出版社
◎◎ 廈門大學出版社

臺灣文獻匯刊

第六輯 ◎ 第六冊

劉淵亭大帥大事記
辛未壬申間日本擾

亂臺灣事實

籌議臺灣事宜折奏

臺灣論

◎九州出版社
◎廈門大學出版社


劉淵亭大帥大事記

長樂廬主人撰

劉淵亭大帥大事記

《劉淵亭大帥大事記》，光緒二十一年（1895 年）長樂廬主人撰，確切姓名不詳。是書分我、武、維三集，原擬在臺事結束后再撰續編“揚”集，但以臺灣割讓給日本而不果。劉淵亭即劉永福將軍，曾率領清軍在越南大敗法軍。臺灣事急，奉命轉戰臺灣。長樂廬主人稱：“是集所輯者，均將軍生平所爲非常之言、所行非常之事，務紀其實，不事裝點。他日者功成奏凱，榮荷桐封，國史特書，或征及小臣斯集。得叨驥尾之附，豈不幸矣哉。”

劉淵亭大帥大事記



原缺一頁

遠勝於蘇武之歸漢焉然將軍之境遇偉
行論者非之似矣誠千古忠臣義士未有
之變局將軍亦千古以來未有之奇人也
是集所輯者均將軍生平所爲非常之言
所行非常之事務紀其實不事裴點他日
者功成奏凱榮荷桐封國史特書或徵
及小臣斯集得叨驥尾之封豈不幸矣哉
乙未季夏長樂廬主人書於卷六務實齋

劉淵亭大帥大事記



像

贊

一朝柱石名垂之英
越南蹂躪關內縱橫
威加強虜勇倡義兵
是真大將永作長城
丹心日炳隻手天擎
隆二勛業翼二忠貞
五卿爵錫絕域功成
赫然丰采瞻拜神傾

劉大將軍大事記

淵亭。劉大將軍。原名毅。字振剛。今改名義。字永福。今年五十七歲。廣西潯洲人。身中肅。微鬚。虎頭豹眼。聲音響激。才略膽識。智勇兼全。妻顏氏。出潯洲巨族。年亦相若。生三子。二女。公父在香港。為西商總理商務。頗有信義。



之名。商市咸尊重之。公幼年隨賈遠出。被髮
逆所虜。同治初年。在安慶。投入程忠烈公之
開字營。隨勦粵匪。奮勇異常。時李傅相平吳。
倚忠烈為左右手。奏稱程學啟為東南第一
人。然大半奇功。公襄成之也。其戈登合軍等語。戈登洋將也。
故公亦深知外洋練軍之法。自自忠烈公攻

克嘉興。受傷而沒。公亦告假回籍。時公已保至花翎都司矣。既至故鄉。公父已歿。家業蕩然。乃集資若干。邀同志者數十人。至越南邊界。負販迨馮子材提督。追勦李揚材時。公即招集流亡二千餘人。自成一軍。以資助剿。願建奇功。李逆授首之後。其部下逃卒。聞公義

名。樂為公用。公即統至越南天府鎮一帶山
中屯田闢荒。練兵選將。時越南正憂外患。遣
使請公保護。并許以所墾荒田。三年後再定
升科。并予以耕牛籽種。於是公名震四方
豪傑。歸附日衆。維時興化省土匪。在保勝府
等處。揭竿倡亂。越南王即諭該管官。檄公助

勦一戰而匪類悉殲。國中人皆倚重之。叠游至三宣副提督。一時數千里。聞風而來。願隸麾下者。若大潮之不可遏止。時有黃白兩旗。公各授以田土。使之耕種。乃更採辦軍裝。另造旗幟。名曰黑旗。略示與黃白區別。更以黑旗分立前後左右中五軍。每軍二萬人。共得

十萬軍。而餘丁倍之。其前軍曰威仁。黑旗紅
邊。左軍曰威義。黑旗藍邊。右軍曰威禮。黑旗
白邊。後軍曰威智。黑旗無邊。中軍曰威信。黑
旗黃邊。外有忠孝兩營。派在帳前護衛。共三
千人。此軍比各軍格外奮勇。即公去年帶在台
目下其倭人交戰者。其人年均不滿三十。身材長短一律。且皆面

無麻袍。及五官不正者。又有長龍旗四百面。形如蜈蚣。又有大纛一面。上書官銜並帥字。大方旗一面。餘皆用鏢鎗。虎。義。斬馬刀。攔馬。槓。等軍器。其服色則一律黑色衫褲。腰繫紅。綳紬帶。赤足。腰插十五門極靈快鎗一支。七寸短匕首一把。又能伏水底。晝夜之水。勇。

八百六十四名。擋牌飛山勇。能腋挾籐牌。代翅若鳥之飛越亂山。如履平地者。五百三十七名。此兩項兵。皆食厚餉。因練成此技。實非易事耳。各兵在山。每日操演。各授一徒。嗣因生齒日繁。拓地愈廣。各有室家。男娶女嫁。亦必由父母媒妁。風俗淳厚。計東西得地千四